



Karen Fernandez
9 urte. Iruñea

1. Gustatzen zait, baina ez dakit zergatik. Hala ere, ez da gehien gustatzen zaidana; asko dira gustuko ditudan marrazki bizidunak.
2. Tontakerien artean «irabazi!» esaten duenekoa gustatzen zait.



Maddalen Gil
11 urte. Gasteiz

1. Asko gustatzen zait, Shin Chan ikusiz gogotik egiten dudalako barre.
2. Behin txakurrarekin paseatzera atera zenekoa gustatu zitzaidan. Lagun bat topatu zuen, hura ere txakurra paseatzen ari zela, eta hark txakurrari harropuzkeriak eginez ematen zizkion aginduak. Shin Chanek ere eman zizkion; baina, beti bezala, agindu lotsagabeak ziren.



Oier Perez de Gereñu
8 urte. Gasteiz

1. Bai, bihurrikeria asko egiten dituelako. Bueno, bihurrikeriak eta tontakeria asko!
2. Behin amarekin erosketak egitera joan zen eta ama kulerotan geratu zen jende guztiaren aurrean, Shin Chanek bultzatu egin zuelako.



Urko Arana
12 urte. Andoain

1. Izugarri gustatzen zait, batez ere zikinkeria asko egiten dituelako. Nire ustez, txikiek ez lukete ikusi behar, baina gure adineko jendearentzat egokia da.
2. Behin petardoak hartu zituen eta sukaldedeko suan jarri zituen. Ia-ia etxea suak hartu zuen bere bihurrikeriarengatik.



Ainhoa Unzueta Baeza
Gernika-Lumo.
10 urte

1. Bai, asko gustatzen zait, bihurrikeria asko egiten dituelako eta oso barregarria delako.
2. Amaren makillajea hartu eta bere aurpegia eta bere txakurrarena pintatu zuenekoa.



Miriam Uranga
11 urte. Andoain

1. Asko gustatzen zait, oso bihurria delako.
2. Galtzak jaisteko ohitura handia du. Behin galtzak jaitsi zituen denen aurrean eta hankartean elefante bat marraztu zuen; tronpa bere zakila zen.

